

Alte Drucke

Concilia quatuor generalia

TOMVS PRI=||MVS QVATV=||OR CONCILIO||rum generalium. || Quadraginta
septem Conciliorum prouincialiu[m] au=||thenticorum. || Decretorum
sexaginta nouem Pontificum. Ab aposto=||lis & eoru[m]de[m] ...

Isidorus <Hispalensis>

Parisiis, 1524

INCIPIVNT DECRETA SOTHERIS PAPE DE FIDE.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-150505

issimi superedificantes vosmetipsos sanctissime vestre fidei in spiritu sancto orantes, ipsos vos in dilectione dei seruate, expectantes misericordiam domini nostri Iesu christi in vitam eternam. Et hos quidem arguite iudicantes, illos vero seruate de igne recipientes. Aliis autem miseremini in timore odiētes eam que carnalis est maculatam tunicam, prohibete fratres per vniuersas regionum vestrarum ecclesias, ut clerici qui laicis & simplicibus virtutis, honestatis pudicitie & grauitatis exemplar esse debent ac seipsos tanquam signum purioris vite rudioribus ad imitationē prudenter exhibere, iuxta apostolum comam non nutrant, sed desuper caput in modum spere radant, quia sicut discreti debent esse in conuersatione, ita & in tonsura & omni habitu discreti debent apparere. Hec vobis fratres ut petistis custodienda mittimus, & custodire precipimus, ut in nomine Iesu omne genu flectatur celestium, terrestrium, & infernorum, & omnis lingua cōfiteatur, quia dominus Iesus christus in gloria est dei patris, cui honor & imperiū per eterna secula. Data octauo kalend. Iunii, Galiano & Rufino consulibus.

FINIS.

INCIPIVNT DECRETA SOTHERIS PAPE DE FIDE.

SOTHER APOSTOLICE SEDIS ARCHIEPISCO **A**
pus campanis omnib⁹ salutem in domino. Gaudere vos oportet fratres, quod diuina largiente gratia familiares domini vocamini, eiusq; sacerdotii dignitate fungimini. Nunc autē rogo vos ut circa plebes vobis commissas laborare dignemini, & fructuosos manipulos domino reportare nitamini. ¶ Paul⁹ enim apostol⁹ de fide ita loquitur dicens. Quod ante promiserat, ait per prophetas suos in scripturis sanctis de filio suo qui factus est ei ex semine David, secundum carnem. Item ipse ad Galathas. Postquam autem venit plenitudo temporis misit de⁹ filium suum ex muliere factum, & factum sub lege. Et ad Philippenes in similitudinem hominum factus & habitus inuentus ut homo. Et in psalmo tricesimo. Infirmata est in paupertate virtus mea, & ossa mea conturbata sunt, & super inimicos meos factus sum opprobriū. Item ibi. Oblivioni datus sum tanquam mortuus a corde. Factus sum tanquam vas perditum. Et in septuagesimo. Tanquam prodigium factus sum multis, & tu adiutor fortis. Et in septuagesimo secundo. Ut iumentum factus sum apud te, & ego semper tecum. Et in septuagesimo sexto. Mater syon dicet homo, & homo natus est in ea, & ipse fundauit eam altissimus. Et in septuagesimo septimo. Factus sum sicut homo sine adiutorio inter mortuos liber. Et in centesimo octauo. Et factus sum illis opprobrium viderunt me, & mouerunt capita sua. Et in centesimo primo. Vigilavi & factus sum sicut passer solitarius in tecto. Et in euangelio. Verbum caro factum est, & habitauit in nobis. ¶ Filius igitur secundum carnem dicitur factus. Nam secundum diuinitatem a patre nusquam dicitur factus, sed genitus, dum enim pater loquitur, filius loquitur. Et cū filius loquitur patrem in illo esse loquentem documentis celestibus comprobatur Paulo apostolo attestante qui ait. ¶ Multis partibus multisq; modis olim deus loquutus est patribus in prophetis, nouissime autē loquutus est nobis in filio, Et ut eundem filium excepto patris precepto doceam fuisse locutum, ex Esaye prophete volumine proferimus documentum. Hec dicit dominus. In illa die sciet popul⁹ meus quoniam ego ipse qui loquebar in seruis meis prophetis euangelizans auditum pacis, & ecce adsum. Item ibi. Ego sum dominus qui loquor iustitiam, & annuncio veritatem. Item ibi. Cogitavi, & locutus sum, & adduxi, & creavi & feci. Et apostolus. An experimentum queritis eius qui in me loquitur christus. Et in psalmo centesimo decimo octauo. Loquebar de testimoniis tuis in conspectu regum, & non confundebam. Et ipse dominus in euangelio ceco a se illuminato dicit, & vidisti eū & qui loquitur tecum ipse est. Et samaritane mulieri ait, ego sum qui loquor tecum. Et ad discipulos verba que locutus sum vobis, spiritus, & vita sunt. Et ad patrem. Ego ad te venio, & hec loquor in mundo. Et iterum iudeis dixit. Loquor vobis, & non auditis. Si autem venerit alius illum audietis.

f. i.

¶ EPISTOLA SOTHERIS PAPE;

Et iterum hec locutus est dominus in gazofilacio docens in templo. Et nemo apprehendit eum, quia nondum venerat hora eius. Ecce in his omnibus, que superius dicta sunt non docetur si-
lius precepto patris fuisse locutus, sed magis proprium excercuisse in loquendo sermonem.

¶ Elaias quoque propheta ait, hec dicit dominus. Ego feci terram sensu meo, & hominem super eam, ego solidavi celum manu mea, ego in omnibus syderibus mandavi ut lucerent in celo. Item ibi ego omne consilium meum statui, & omnia quecumque cogitavi ego feci, item ibi. Sic dicit dominus, qui constituit celum & terram, & fecit eam & fundavit eam. Item ibi. Ego primus, & ego in eternum manus mea fundavit terram. Dextera mea solidavit celum, item ibi. Ego feci terram in fortitudine mea magna, & in brachio meo excelsio. Et in hieremia. Dominus fecit terram in virtute sua magna, & erexit orbem terre in sapientia & prudentia sua extendit celum, & posuit sonum aque in celo. ¶ Defendite charissimi, ego rogo vos contra maliuolos homines inconcussam ecclesie statum, ut vos christi dextera defendat in euu. Data Nonas maii, Rustico & Aquilino, iiii. consulibus.

¶ ITEM EPISTOLA PAPE SOTHERIS

A



LECTISSIMIS FRATRIBVS PER ITALIE PRO-
uincias sanctis constitutis epis. Sother papa. Diuinis preceptis & aplice mo-
nitis informamur, ut pro omnium ecclesiarum statu impigro vigilemus affe-
ctu, ac si quid usquam reprehensioni inuenitur obnoxium, celeri sollicitudine
ab ignorantie imperitia & presumptionis usurpatione reuocemus. Sacratas
deo feminas vel monachas, sacra vasa vel sacratas pallas penes vos contingere, &
incedere circa altaria deferre perlatum est ad apostolicam sedem, que omnia
reprehensione & vituperatione plena esse nulli recte sapientium dubium est. Quapropter huius
sancte sedis auctoritate, hec omnia vobis resecare funditus quantocius poteritis censemus, & ne pe-
stis hec latius diuulgetur per omnes prouincias abstergi citissime mandamus, ait enim apostolus.
B Despondi enim vos vni viro virginem castam exhibere christo. ¶ Illa est enim virgo ecclesia spon-
sa vni viro christi, que nullo se patitur errore vel in honesta reprehensione vitari, ut per totum mun-
dum vna sit nobis vnius caste communionis integritas. Vnde consurgite charissimi cum domino,
& assistite ei induentes arma spiritus, aduersus malignantes contra fidem eius, & probetur spiritus
sapientie, id est verba illorum si ex deo sunt. Scriptum est enim in iheremia, probatorem dedi te in
populum meum robustum, & scies, & facies, & probabis viam illorum. Multum namque nobis necessa-
ria est vigilantia tanti sacramenti sapientie discretionis, que occulta tenebrarum reuelat, ad requisitio-
nem huiusmodi rei & scrutationem, quoniam latet quodammodo & absconditur, vixque comprehen-
ditur dolosa existens malitia pro eo quod sibi pietatem callide blandiatur, ut valeat scrutantium men-
tem latere. Quod utique sciens beatus apostolus ait. Nam huiusmodi pseudo apostoli operarii sub-
doli transfigurant se in apostolos christi. Sed non mirum quando ipse sathanas transfiguratur se in
angelum lucis, si ministri eius transfigurantur velut ministri iustitie, quorum finis secundum ope-
ra eorum. Sed & dominus in hoc premuniens nos ait. Attendite a falsis prophetis qui veniunt ad
vos in vestimentis ouium intrinsecus autem sunt lupi rapaces, a fructibus eorum cognoscetis eos. Ergo
in idipsum ex toto corde vestro referentes, ante omnia super tali questione deprecationem, & dicen-
tes cum Dauid, Reuela oculos meos, & considerabo mirabilia, de lege tua, lucerna pedibus meis ver-
bum tuum, & lumen semitis meis. Quoniam ut ait beatus Daniel propheta. Sapientia & fortitudo eius
sunt, dat sapientiam sapientibus, & scientiam intelligentibus, & disciplinam, ipse reuelat profunda &
abscondita, & non in tenebris constituta, & lux cum eo est. Quia sapientiam & fortitudinem dedi
sti michi, & ostendisti michi que rogaui te. Data. x. kalend. Iunii, Cetico, & Clero, iiii. consulibus.

¶ INCIPIVNT DECRETA ELEVTHERII PAPE.